

Uunga siunnersuut: Naalakkersuisut peqquneqarnissaannik Inatsisartut aalajangiiffigisassaattut siunnersuut, inuussutissat pillugit politikikkut nalerassamik anguniagassamillu siunnerfiliineq. Nerisassanik peqqinnartunik assigiinngisitaartunillu innuttaasut nerisaqalersinnaanerit pillugu misissuinermik suliaqaqqullugit. Misissuinerup ilanngutissavaa Kalaaliminerit tunisassiarineqarneranni akitigut apparsarneqarsinnaanerit pillugu suliniutaasinnaasut qulaajarneqarnissaat

(Saaqq.: Inatsisartunut ilaasortaq Vivian Motzfeldt, Siumut)

pillugu

Aalisarnermut, Piniarnermut Nunalerinermullu ataatsimiititaliap

ISUMALIUTISSIISSUTAA.

Siunnersuutip aappassaaneerineqarneranut saqqummiunneqartoq.

Inatsisartunut ilaasortaq Hans Aronsen, Inuit Ataqatigiit, siul.

Inatsisartunut ilaasortaq Nivi Olsen, Demokrateerit, siul. tull.

Inatsisartunut ilaasortaq Knud Kristiansen, Siumut

Inatsisartunut ilaasortaq Nikolaj Jeremiassen, Siumut

Inatsisartunut ilaasortaq Henrik Fleischer, Partii Naleraq

Inatsisartunut ilaasortaq Kelly Berthelsen, Inuit Ataqatigiit

Inatsisartunut ilaasortaq Villy Olsvig, Inuit Ataqatigiit

Ulloq 10. Maj 2017 siullermeerereermermi ataatsimiititaliamit siunnersuut misissorneqarpoq.

Siunnersuutip imaa aamma siunertaa

Siunnersuutip kingunerissavaa inuussutissat pillugit politikikkut nalerassamik anguniagassamillu siunnerfiliinissamik Naalakkersuisut peqquneqarnissaat, nerisassanillu peqqinnartunik assigiinngisitaartunillu innuttaasut nerisaqalersinnaanerit pillugu misissuinermik suliaqaqquneqassasut. Misissuinermit ilanngunneqassaaq Kalaalimernit tunisassiarineqarneranni akitigut apparsarneqarsinnaanerit pillugu suliniutaasinnaasut qulaajarneqarnissaat

Siunnersuutip Inatsisartunit siullermeerneqarnera

Siunnersuut akuerineqassasooq partiinit tamanit kiisalu Naalakkersuisunit inassutigineqarpoq.

Siunnersuutip ataatsimiititaliamit suliarineqarnera

Ataatsimiititaliap siunnersuut siullermeerinermilu oqaaseqaatigineqartut misissorpai, taakkulu pillugit oqaaseqaateqarniarluni.

Ataatsimiititaliap paasivaa pineqartoq tassaasoq misissuititsinissaq, partiillu tamarmik tamanna kissaatigaat, kiisalu Naalakkersuisut tamatumingga ingerlatsinissamut piareersimasut. Tamanna tunngavigalugu annertunerusumik oqaaseqaateqarnissamut ataatsimiititaliaq pissutissaqarsorinngilaq.

Siunnersuutip aningaasatigut kingunissai

Inatsisartut Suleriaasianni § 33, imm. 1-mi takuneqarsinnaavoq, aalajangiiffigisassatut siunnersuutip piviusunngortinnerani siunnersuutip tunngavilersuutitaani aningaasatigut allaffissornikkullu kingunerisassai allaaserineqarsimassasut.

Ataatsimiititaliap paasivaa, tamanna naapertorlugu siunnersuutip piviusunngornerani aningaasatigut kingunissai missingerneqarsimasut, tassaasullu AC-mik sulisitap ukiup $\frac{3}{4}$ -iani sulisinneqarnissaa (375.000 kr.-t missaasa nalinganut), tamannalu Naalakkersuisunit assortorneqanngitsoq.

Ataatsimiititaliap tatigaa apeqqut tamanna Naalakkersuisunit sukumiisumik misissorneqarsimasoq, taamaalillutillu malitsigisaanik aningaasatigut kinguneqarnissaa pilernaviannngitsoq. Naatsorsuutiginnngisamilli pisortat aningaasiviinut siunnersuummut annertunerusumik aningaasartuuteqartoqalissagaluarpai, aningaasartuutit taakku aningaasaliissutaareersunit akilerneqartariaqassapput, tamannalu suliniutinik allanik annikilliliinermik kinguneqartariaqassaaq.

Ataatsimiititaliap inassutai

Ataatsimiititaliap isumaqatigiittup inassutigaa siunnersuut **akuerineqassasoq**.

Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut aappasaaniigassanngortippaa.

Hans Aronsen
Siulittaasoq

Nivi Olsen
Siulittaasup tullia

Knud Kristiansen

Nikolaj Jeremiassen

Henrik Fleischer

Kelly Berthelsen

Villy Olsvig